

6
GATHAN GREINE *Switzerland*

AIR SON

CRIDHEACHAN DHAOINE

O FHIOR FHOCAI DHE,

'ANN AD SHOLUS-SA CHI
SINN SOLUS.'

—◆—
(O'N BHEURLA.)
—◆—

GLASGOW:
ARCHIBALD SINCLAIR, 62 ARGYLE STREET.
MDCCLXXVII.

THA
 SPIORAD AN TIGH-
 EARNA IEHOBHAH ORM,
 DO BHRIGH GU-N D' UNG AN
 TIGHEARNA MI; A THOIRT DEADH
 SGEOIL DO'N MHACANTA CHUIR E MI;
 A CHEANGAL SUAS LUCHD A' CHRIDHE
 BHRISTE, A DH' EIGHEACH FUASGLAIDH DO
 NA BRAIGHDIBH, AGUS FOSGLAIDH A' PHRIOS-
 AIN DHOIBHSAN A THA CEANGAILTE; A DH' EIGH-
 EACH BLIADHNA THAITNICH AN TIGHEARNA AGUS
 LA DIOGHALTAIS AR DE-NE; A THOIRT COMHFHURT-
 ACHD DHOIBHSAN UILE A THA RI BRON; A DH'ORD-
 UCHADH DO LUCHD-CAOINEADH SHIOIN, A THOIRT
 DHOIBH MAISE 'AN AITE LUATHRE, OLADH
 AOIBHNEIS 'AN AITE BROIN, EIDEADH
 MOLAIDH 'AN AITE SPIORAID AIRS-
 NEIL; A CHUM GU-N GOIRTEADH
 DHIUBH CRAOBHAN FIREAN-
 TACHD A SHUIDHICH AN
 TIGHEARNA AIR SGATH
 A GHLOIRE.

Isa. lvi.



Gathan Breine air son Cridheachan Dhaoine.

*M*O thruaighe mise! oir chaidh as domh;

Isa. vi. 5.

Sgrios thu thu féin, ach annamsa tha do chabh-air.

Hos. xiii. 9.

A Dhé, dean tròcair ormsa 'tha ann am pheacach.

Lucas xviii. 13.

Thàinig Iosa Crìosd do 'n t-saoghal a theàrnadh pheacach,

1 Tim. i. 15.

Chaidh mi air seachran mar chaoiridh chailte

Salm cxix. 176.

Is mise am buachaille maith.—Thàinig Mac an duine a dh'iarraidh agus a theàrnadh an nì sin a bha cailte.

Eòin x. 11.

Lucas xix. 10.

Cìod is còir dhomh a dheanamh chum gu-n teàrn-ar mi?

Gnìomh. xvi. 30.

| | |
|--|------------------|
| Creid anns an 'Tighearn' Iosa Crìosd, agus teàrnar thu. | Gnìomh. xvi. 31. |
| <i>Tha mi a' creidsinn, a Thighearna; cuidich thusa le mo mhi-chreidimh.</i> | Marc ix. 24. |
| Ghuidh mise air do shonsa, nach dìobair do chreidimh thu. | Lucas xxii. 32. |
| <i>Air sgàth d' ainme, a Thighearna, lagh mo chionta; oir tha i mòr.</i> | Salm. xxv. 11. |
| Gu bheil 'ur peacaidhean air am maitheadh dhuibh air sgàth 'ainmc-san. | 1 Eòin ii. 12. |
| <i>Tha ar cùl-sleamhnachaidh Ìronmhor, pheacaidh sinn 'ad aghaidh.</i> | Ier. xiv. 7. |
| Leighisidh mise an cùl-sleamhnachadh, gràdh-aichidh mi iad gu saor. | Hos. xiv. 4. |
| <i>An do sguir a chaoimhneas gu bràth?</i> | Salm lxxvii. 8. |
| Cha ghléidh e a chorruidh gu sìorruidh, a chionn gur toigh leis tròcair. | Micah vii. 18. |
| <i>An d' fhàilnich 'fhocal o linn gu linn?</i> | Salm lxxvii. 8. |
| Oir geallaidhean Dhé uile ann-san is seadh iad, agus ann-san is Amen iad. | 2 Cor. i. 20. |

Feuch tha mi gràineil; ciod a fhreagras mi dhuit?

Iob xi. 4.

Ged robh 'ur peacaidhean mar an scàrlaid, bithidh iad geal mar an sneachdadh, ged robh iad dearg mar chòreur, bithidh iad mar olainn.—
Glanaidh fuil Iosa Criosd, a Mhac, sinn o gach uile pheacadh.

Isa. i. 18.

1. Eòin i. 7.

*Chaidh m' euceartan thar mo cheann; mar eall-
aich thruim tha iad ro throm air mo shon.*

Salm xxxviii. 4.

Thigibh a m' ionnsuidh-sa, sibhse uile a tha ri saothair, agus fo throm uallaich, agus bheir mise suaimhneas dhuibh.

Mata. xi. 28.

*Cruthaich annam cridhe glan, a Dhé; agus
ath-nuadhaich spiorad ceart an taobh a stigh
dhiom.*

Salm li. 10.

Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhibh; agus buinidh mi air falbh an cridhe cloiche as 'ur feòil, agus bheir mi dhuibh cridhe feòla.

Esec. xxxvi. 26.

*Na tig ann am breitheanas gu d' òglach; oir
ann ad fhianuis cha-n fhìreanaichear duine
beò air bith.*

Salm exliiii. 2.

Air an aobhar sin cha-n'eil a nis dìteadh
sam bith ann do'n dream sin a tha ann an
Iosa Criosd.

Rom. viii. 1.

*Och gun fhios agam c' àit am faighinn esan,
agus gu-n tiginn a dh' ionnsuidh 'àite.*

Iob xxiii. 3.

Thigeamaid uime sin le dànachd gu rìgh-chaithir
nan gràs, chum gu faigh sinn tròcair, agus
gu-n amais sinn air gràs chum cabhair ann
an àm feuma.

Eabh. iv. 16.

*Tha mi ag aideachadh m' easontais, agus tha
mo pheacadh a' m' làthair a ghnàth.*

Salm li. 3.

Ma dh' aidicheas sinn ar peacaidhean, tha esan
firinneach agus ceart chum ar peacaidhean a
mhaitheadh dhuinn, agus ar glanadh o gach
uile neo-fhìreantachd.

1 Eòin i. 9.

*O 'Thighearna, tha mi air mo shàruchadh; bi
thusa ann ad urras dhomh.*

Isa. xxxviii. 14.

Bithidh an Tighearna 'n a dhaingneach ann an
aimsiribh teanntachd.

Salm ix. 9.

*A Thighearna, feuch, tha 'n ti a's ionmhuinn
leat tinn.*

Eòin xi. 3.

Cha-n 'eil an tinneas so chum bàis, ach a chum
glòire Dhé. An ti a's ionmhuinn leis an
Tighearna smachdaichidh e, agus sgiùrsaidh
e gach mac ris an gabh e.

Eòin xi. 4.

Tha mi sgèth le m' osnaich.

Eabh. xii. 6.

Tilg air an Tighearna do chùram, agus cumaidh
esan suas thu.

Salm vi. 6.

Salm lv. 22.

*Oir shàthadh do shaighdean annam, agus tha
do làmh trom orm.*

Salm xxxviii. 2.

Cràdbaidh e, agus ceanglaidh e suas; lotaidh e,
agus leighisidh a làmhan.

Iob v. 18.

Tha mise bochd agus wireasbhuidheach.

Salm lx. 17.

Air an fhear so amhaircidh mi; eadhon airsan
a tha bochd agus leònta 'n a spiorad; agus a
chriothnaicheas roimh m' fhocal. Is beann-
aichte iadsan a tha bochd 'n an spiorad: oir
is leò rioghachd nèimh.

Isa. lxvi. 2.

Mata. v. 3.

*Thoir còmhnaidh dhuinn ann an teinn; oir is
dìomhain furtachd duine.*

Salm lx. 11.

Is e Dia ar tearmunn agus ar neart; ar cabhair
ro dheas ann an teanntachdaibh.

Salm xlvi. 1.

*Gabh truas diom a Thighearn', oir tha mi lag:
slànnaich mi a Thighearn', oir tha mo chnàmh-
an air an cràdh.*

Salm vi. 2.

A' chuile bhrùite cha bhris e, agus an lion d'am
bheil caol smùid cha mhùch e. Oir tha mo
chumhachd air a dheanamh foirfe ann an
anmhuinneachd.

Isa. xlii. 3.

2 Cor. xii. 9.

*Is iad mo dhèir a's biadh dhomh a là agus a
dh' oidhche.*

Salm xlii. 3.

Iadsan a chuireas sìol le deuraibh, buainidh iad
le gàirdeachas.

Salm cxxvi. 5.

Throm-smachdaich an Tighearna mi.

Salm cxviii. 18.

Bheir mise an treas trian troimh an teine, agus
glanaidh mi iad mar a ghlanar an t-airgiod,
agus dearbhaidh mi iad mar a dhearbhar an
t-òr.

Sech. xiii. 9.

*Chuir e mo bhràithrean fada uam; agus tha
mo luchd-eòlais air fàs coimheach rium.*

Iob xix. 13.

Ge b'e neach a ni toil Dhé, is esan mo bhràthair,
agus mo phiuthar, agus mo mhàthair.

Marc iii. 35.

*Ghabh mi farmad ri amadanaibh, ri faicinn
soirbheachadh dhaoine aingidh.*

Salm lxxiii. 3.

Na bitheadh campar ort mu dhaoinibh aingidh,
agus na gabh farmad ri luchd-deanamh na
h-euceirt: oir mar am feur gearrar gu grad
sios iad, agus mar an luibh ghlas seargaidh
iad. Fathast tamull beag, agus cha bhi an
t-aingidh ann.

Salm xxxvii 1, 10.

*Amhairc air mo naimhdibh, oir tha iad tion-
mhor.*

Salm xxv. 19.

Ma tha Dia leinn, co a dh'fheudas a bhi 'n ar
n-aghaidh?

Rom. viii. 31.

*Na fàg mi, agus na tréig mi, a Dhé mo
shlàinte.*

Salm xxvii. 9.

Cha-n fhàg, agus cha tréig mi am feasd thu.

Eabh. xiii. 5.

*Tha mo chridhe air a chràdh an taobh a stigh
dhiom.*

Salm iv. 4.

Na bitheadh eagal ort, oir shaor mise thu;
ghairm mi thu air d' ainm; is leamsa thu.

Isa. xliii. 1.

*Na folaich do ghnùis uam; na cuir air falbh
d'òglach ann am feirg.*

Salm xxvii. 9.

Ann an corruich bhig dh'fholuich mi mo
ghnùis car tiota uait; ach le caoimhneas
siorruidh ni mi trècair ort, deir an Tighearna
d' fhear-saoraidh.

Isa. liv. 8.

*Is aithne dhomh, a Thighearna, nach 'eil slighe
duine 'n a chomas féin: cha-n' eil e 'n comas
duine a tha 'g imeachd a cheum a stiùradh.*

Ier. x. 23.

Ann ad uile shlighean aidich e, agus seòlaidh
esan do cheuman.

Gnàth-fh. iii. 6.

*Tha mo shùil a' fàilneachadh a bhrègh m' àmh-
ghair.*

Salm lxxxviii. 9.

Is beannaichte iadsan a tha ri bròn, oir gheibh
iad sòlas.

Mata. v. 4.

*Fosgail mo shùilean, chum gu-m faic mi nithean
iongantach o d' lagh.*

Salm cxix. 18.

An Comhfhurtair, an Spiorad naomh, a chuireas
an t-Athair uaith ann am ainm-sa teagaisgidh
esan dhuibh na h-uile nithean.

Eòin xiv. 26.

*Rachadh mo mhisneach air chùl mur creidinn gu-m
faicinn maitheas an Tighearn' ann an tìr nam
beó.*

Salm xxvii. 13.

Bheir esan neart do 'n anmhunn, agus dhoibh-
san a tha gun lùgh meudaichidh e treise.

Isa. xl. 29.

Cò a tha foghainteach chum nan nithean so?

2 Cor. ii. 16.

Is leòir mo ghràs-sa dhuit.

2 Cor. xii. 9.

Tha m' fheadhail agus mo chridhe air fàilneachadh.

Salm lxxiii. 26.

Is e 'n Tighearna do Dhia, cha diobair e thu,
cha mhò a thréigeas e thu.

Deut. xxxi. 6.

*Ruith sruthan dheur sìos o m' shùilibh a chionn nach
do choimhid iad do lagh.*

Salm cxix. 136.

Cuir comharra air eudanaibh na muinntir a tha
'g osnaich agus a' glaothaich air son nan uile
ghràineileachdan a tha air an deanamh 'n a
meadhon.

Escc. ix. 4.

*Chuir thu fear mo ghaoil agus mo charaid fada uam:
tha luchd m' èdais ann an dorchadas.*

Salm lxxxviii. 18.

Mar a ghabhas athair truas d'a chloinn, gabh-
aidh an Tighearna truas dhiubhsan d' an
eagal e. Athair nan dilleachdan, agus breith-
eamh nam bantrach, is e Dia ann an ionad-
còmhnuidh a naomhachd.

Salm ciii. 13.

Salm lxviii. 5.

Na leig ann am buaireadh sinn.

Mata. vi. 13.

Tha Dia dileas, nach leig dhuibh a bhi air 'ur feuchainn thar 'ur comas; ach a ni maille ris an deuchainn slighe gu dol as mar an ceudna, chum gu-m bi sibh comasach air a giùlan.

1 Cor. x. 13.

Fo sgàile do sgiathan foluich mi.

Salm xvii. 8.

Le iteagaibh còmhdaichidh e thu, agus fo a sgiathan bithidh d' earbsa.

Salm xci. 4.

Tha tart air m' anam chum Dhé, chum an Dé bheò.

Salm xlii. 2.

Seallaidh do shùilean air an Rìgh 'n a mhaise;

Isa. xxxiii. 17.

Air sgàth d' ainme treòraichidh agus stiùraidh tu mi.

Salm xxxi. 3.

Nochdaidh mi dhuit an t-slighe air an tigeadh dhuit triall; seòlaidh mi dhuit le m' shùil.

Salm xxxii. 8.

A nis, an uair a tha mi sean agus liath, a Dhé na tréig mi.

Salm lxxi. 18.

Eadhon gu 'ur sean aois, agus gu 'ur falt liath, is mise féin an ti a ghiùlaineas sibh.

Isa. xlvi. 4.

Tha m' anam a' feitheamh air an Tighearna na's mo na luchd-faire na maidne.

Salm cxxx. 6.

Iadsan a dh' fheitheas air an Tighearna gheibh iad spionnadh nuadh; éiridh iad suas mar iolair air a sgiathan; ruithidh iad agus cha bhi iad sgìth, siùbhlaidh iad agus cha-n fhàs iad fann.

Isa. xl. 30.

Thuit namhasan a' bhàis orm.

Salm lv. 4.

Sgriosar an nàmhaid deireannach, am bàs.

1 Cor. xv. 26.

Thubhairt Iosa, is mise an aiseirigh, agus a' bheatha; an ti a chreideas annam-sa, ged gheibheadh e bàs, bithidh e beò.

Eòin xi. 25.

C' uin a thig mi, agus a nochdar mi ann am fauuis Dhé?

Salm xl. 2.

'N uair a dh' fhoillsichear Criosd, neach a's e ar beatha-ne, an sin bithidh sibhse mar an ceudna air 'ur foillseachadh maille ris ann an glòir.

Col. iii. 4.

Ann ad làimh-sa tionnann mo spiorad: saor mi, a Thighearna Dhé na fèrinn.

Salm xxxi. 5.

Thigibh, a dhaoine beannaichte m' Athar-sa, sealbhaichibh mar oighreachd an rioghachd a tha air a deasachadh dhuibh o leagadh bun-aitean an domhain.

Mata. xxv. 34.

Seadh, thig, a Thighearn' Iosa.

Gu deimhin tha mi a' teachd 'an aithghearr.

O, a Thighearna, gu deimhin is mi d'òglach,
sgaoil thu mo chuibhreach. Thionndaidh
thu dhomh-sa mo bhròn gu dannsadh: chuir
thu dhìom m'eudach-saic, agus chrioslaich
thu mi le h-aoibhneas.

Beannaichte gu-n robh an Tighearn', a chionn
gu-n d' éisd e ri guth m'athchuinge. Is e
an Tighearna mo neart, agus mo sgiath; ann-
san chuir mo chridhe a dhòchas, agus chuid-
icheadh leam; uime sin rinn mo chridhe
gàirdeachas; agus le m'laoidh molaidh mi e.

Taisb. xxii. 20.


Taisb. xxii. 20.

Salm cxvi. 16.

Salm xxx. 11.

Salm xxviii. 7.





Dha-san a ghradhaich sinn agus a dh' ionn-
laid sinn o ar peacaidhean 'n a fhuilifein
agus a rinn rìghrean dhinn agus sag-
airtean do Dhia agus d'a Athairsan;
Dhasan gu-n robh gloir agus
cumhachd gu saoghal nan
saoghal. Amen.

Taisb. i. 4, 5.